



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

1. Pastoralis Romani &c. Excommunicatio Anniversaria in die
Commemorationis Coenæ Dominicæ.
-

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

tate roboratis statutis, eorumque reformationibus, & novis additionibus, usibus, stylis, etiam inveteratis, & consuetudinibus, quantumvis immemorabilibus, privilegiis quoque, Indultis, & Litteris Apostolicis sub quibuscunque verborum tenoribus, & formis, & cum quibuscunque, etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, etiam motu, scientia, & potestatis plenitudine paribus, ac consistorialiter, & alias quomodolibet in contrarium præmissorum concessis, confirmatis, & approbatis, ac pluries, & quantiscunque vicibus innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio seu quævis alia expressio habenda, aut aliqua alia exquisita forma ad hoc servanda foret; illorum omnium, & singulorum tenores, formas, causas, & occasiones præsentibus pro plenè, & sufficienter, ac exactissime, & accuratissime expressis, insertis, servatis, & specificatis respectivè habentes: illis aliàs in suo robore permansuris, ad præmissorum effectum specialiter, expresse, plenissime, & amplissime derogamus, & derogatum esse volumus, cæterisque contrariis quibuscunque, aut si præfatis personis, vel quibuscunque aliis, communiter vel divisim, ab eadem sit Sede indultum, quòd interdicti, suspensi, vel excommunicari non possint per Litteras Apostolicas non facientes plenam, & expressam, ac de verbo, ad verbum de Indulto huiusmodi mentionem.

Præsentium post publicationem obligatio.

§. 8. Volumus autem quod præfentes, postquam valvis Ecclesiæ Lateranensis, & Basilicæ Principis Apostolorum de Urbe, nec non in acie Campi Floræ affixæ, & publicatæ fuerint, omnes, & singulos, tam in Romana Curia, quàm extrà eam existentes, quorum interest, vel interesse poterit, perinde obligent, & arceant, ac si unicuique eorum personaliter, & nominatim intimatæ fuissent; quòdque illarum exemplis, etiam impressis, manu Notarii publici subscriptis, & sigillo personæ in Dignitate Ecclesiastica constitutæ munitis, eadem prorsus fides in iudicio, & extra ubique locorum adhibeatur, quæ ipsismet præsentibus adhiberetur, si essent exhibitæ, vel ostensæ.

Transumptorum fides.

§. 9. Nulli ergo omnino hominum liceat paginam hanc nostrarum Confirmationis, approbationis, reformationis, statuti, Decreti, ordinationis, mandati, extensionis, ampliationis, voluntatis, derogationis, & irritationis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Sanctio poenalis.

Datum Romæ apud Sanctam Mariam Majorem anno Incarnationis Dominicæ millesimo sexcentesimo octuagesimo nono: Quarto Kalend. Julii Pontificatus nostri Anno Tertiodecimo.

D. 28. Junii 1689. P. A. decimo tertio.

F. Datarinus.

J. F. ALBANUS.

Visa de Curia J. Sacripantes.

Loco + Plumbi.

Registrata in Secretaria Brevium.

ALEXANDER OCTAVUS.
PONTIFEX CCXLV.
ANNO DOMINI MDCLXXXIX.

ALEXANDER OCTAVUS,
Venetus, Petrus Vitus antea dictus

Marci Ottoboni Magni Cancellarii Filii: S. R. E. Presbyter Cardinalis Tit. S. Salvatoris in Lauro, postea S. Marci, ac demum Episcopi Tusculani. Romæ die 6. Octobris an. 1689. summus Pontifex renunciatus; Coronatus die 6. ejusdem mensis. Creavit Cardinales 14. Obiit die 1. Februarii 1691. sepultusque fuit in Basilica Vaticana. Vacavit Sedes mensis quinque, dies duodecim.

Excommunicatio Anniversaria in die Commemorationis Cænæ Dominicæ.

ALEXANDER EPISCOPUS,

I.

Servus Servorum Dei. Ad futuram rei memoriam.

Pastoralis Romani Pontificis vigilantia, & sollicitudo, cum in omni Christianæ Reipublicæ pace, & tranquillitate procuranda, pro sui muneris officio assidue versatur, tum potissimum in Catholica fidei, sine qua impossibile est placere Deo, unitate, atque integritate retinenda, & conservanda maxime elucet. Nimirum ut fideles Christi non sint parvuli fluctuantes, neque circumferantur omni vento doctrinæ in nequitia hominum ad circumventionem erroris, sed omnes occurrant in unitatem fidei, & agnitionis Filii Dei in virum perfectum, neque se in hujus vitæ societate & communione lædant, aut inter se alter alteri offensionem præbeant: sed potius in vinculo charitatis conjuncti, tanquam unius corporis membra, sub Christo capite, ejusque in terris Vicario Romano Pontifice Beatiss. Petri successore, à quo totius Ecclesiæ unitas dimanat, augeantur in ædificationem, atque ira divinâ gratiâ adjunctæ, sic præfatis vitæ quiete gaudeant, ut futura quoque beatitudine perficiantur. Ob quas sane causas Rom. Pontifices Prædecessores nostri, hodierna die, quæ anniversariâ Dominicæ Cænæ commemoratione solemnis est, spirituales Ecclesiasticæ disciplinæ gladium, & salutaria justitiæ arma per Ministerium summi Apostolatus ad Dei gloriam, & animarum salutem solemniter exercere consueverunt. Nos igitur, quibus nihil optabilius est, quam fidei inviolatam integritatem, publicam pacem & justitiam, Deo auctore tueri, vetustum & solemnem hunc morem sequentes.

Unitas fidei Christianæ. Excommunicationis anniversaria motum.

§. 1. Excommunicamus, & anathematizamus ex parte Dei Omnipotentis Patris, & Filii, & Spiritus Sancti, auctoritate quoque Beatorum Apostolorum Petri, & Pauli, ac nostra, quoscunque Hussitas, Wiclefistas, Lutheranos, Zuinglianos, Calvinistas, Hugenottos, Anabaptistas, Antitrinitarios, & à Christiana Fide Apostatas, ac omnes, & singulos alios Hæreticos, quocunque nomine censeantur, & cujuscunque sectæ existant, ac eis credentes, eorumque receptatores, fautores, & generaliter quoslibet illorum defensores, ac eorundem libros hæresim continentes, vel de Religione tractantes sine auctoritate nostra, & Sedis Apost. scienter legentes, aut retinentes, imprimen-tes, seu quomodolibet defendentes ex quavis causa publicè, vel occultè, quovis ingenio, vel colore, nec non schismaticos, & eos, qui se à nostra, & Romani Pontificis pro tempore existentis obedientia pertinaciter subtrahunt, vel recedunt.

Excommunicantur hæretici & hæreticorum fautores.

§. 2. Item excommunicamus, & anathematizamus omnes, & singulos, cujuscunque status, gradus, seu conditionis fuerint; Universitates vero, Collegia, & Capitula quocunque nomine nunciantur

A Romani Pontificis mandatis ad Concilium universale appellantes.

pentur

Piratæ & Latrones maritimi qui mare sanctitatis suæ infestant.

Surripientes bona Christianorum per naufragium amissa.

Sine jure gabellas imponentes vel augentes.

Litterarum aut signationum Apostolicarum falsarii.

Deferentes ad Religionis Christianæ hostes equos, arma &c. vel eos in Christianorum damnum de aliqua re certos facientes.

Impedientes eos qui victualia Romanæ Curiae adducunt.

Interficietes vel infestantes eos qui à S. Sede discedunt, ad eam veniunt, vel in ea morantur.

pentur, interdiciamus, ab ordinationibus, seu mandatis nostris, ac Romanorum Pontificum pro tempore existentium ad universale futurum Concilium appellantes: nec non eos, quorum auxilio, consilio, vel favore appellatum fuerit.

§. 3. Item excommunicamus, & anathematizamus omnes Piratas, Cursarios, ac Latrunculos maritimos, discurrentes Mare Nostrum, præcipuè Monte Argentario usque ad Terracinam, ac omnes eorum fautores, receptores & defensores.

§. 4. Item excommunicamus, & anathematizamus omnes & singulos, qui Christianorum quorumcumque navibus, tempestate, seu in transversum (ut dici solet) jactatis, vel quoquomodo naufragium passis, five in ipsis navibus, five ex eisdem ejecta in mari, vel in littore inventa, cuiuscunque generis bona, tam in nostris Tyrrheni, & Adriatici, quam in cæteris cuiuscunque maris Regionibus, & littoribus, furripuerint; ita ut nec ob quodcunque privilegium, consuetudinem, aut longissimam, & immemorabilem temporis possessionem, seu alium quemcunque prætextum excusari possint.

§. 5. Item excommunicamus, & anathematizamus omnes, qui in Terris suis nova Pedagia, seu Gabellas, præterquam in casibus sibi à jure, seu ex speciali Sedis Apostolicæ licentia permisis imponunt, vel augent, seu imponi, vel augeri prohibita exigunt.

§. 6. Item excommunicamus, & anathematizamus omnes falsarios Litterarum Apostolicarum, etiam in forma Brevis, ac supplicationum gratiam, vel iustitiam concernentium, per Romanum Pontificem, vel S. R. E. Vicecancellarios, seu gerentes vices eorum, aut de mandato ejusdem Rom. Pontificis signatarum, nec non falso publicantes Litteras Apostolicas, etiam in forma Brevis, & etiam falso signantes supplicationes hujusmodi sub nomine Romani Pontificis, seu Vicecancellarii, aut gerentium vices prædictorum.

§. 7. Item excommunicamus, & anathematizamus omnes illos, qui ad Saracenos, Turcas, & alios Christiani nominis hostes, & inimicos: vel Hæreticos per nostras five hujus Sanctæ Sedis sententias expressè, & nominatim declaratos deferunt seu transmittunt equos, arma, ferrum, solum ferri, stannum, chalybem, omniaque alia metallorum genera, atque bellica instrumenta, lignamina, cannabem, funes, tam ex ipso cannabe, quam alia quacunque materia & ipsam materiam, aliaque hujusmodi, quibus Christianos, & Catholicos impugnant, nec non alios, qui per se, vel alios de rebus statum Christianæ Reipublicæ concernentibus in Christianorum perniciem, & damnum, ipsos Turcas, & Christianæ Religionis inimicos, nec non Hæreticos, in damnum Catholicæ Religionis, certiores faciunt, illisque ad id auxilium, consilium, vel favorem quomodolibet præstant. Non obstantibus quibuscunque privilegiis quibuscunque personis, Principibus, Reipublicis, per Nos, & Sedem prædictam hætenus concessis, de hujusmodi prohibitionem expressam mentionem facientibus.

§. 8. Item excommunicamus, & anathematizamus omnes impedientes, seu invadentes eos, qui victualia, seu alia ad usum Rom. Curiae necessaria adducunt, ac etiam eos, qui ne ad Rom. Curiam adducantur, vel afferantur, prohibent, impediunt, seu perturbant, seu hæc facientes defendunt per se, vel alios, cuiuscunque fuerint ordinis, præminentiae, conditionis, & status, etiam si Pontificalli, seu Regali, aut alia quavis Ecclesiastica, vel mundana præfulgeant dignitate.

§. 9. Item excommunicamus, & anathematizamus omnes illos, qui ad Sedem Apostolicam venientes, & recedentes ab eadem, suâ, vel aliorum operâ interficiunt, mutilant, spoliunt, capiunt, detinent, nec non alios omnes, qui jurisdictionem ordinariam, vel delegatam à Nobis, vel nostris Judicibus non habentes, illam sibi temere vendicantes, familia contra morantes in eadem curia, audent perpetrare.

§. 10. Item excommunicamus, & anathematizamus omnes interficientes, mutilantes, vulnerantes, detinentes, capientes, seu deprædantes Romipetas, seu Peregrinos ad Urbem causâ devotionis, seu peregrinationis accedentes, & in ea morantes, vel ab ipsâ recedentes, & in his dantes auxilium, consilium, vel favorem.

§. 11. Item excommunicamus & anathematizamus omnes interficientes, mutilantes, vulnerantes, percutientes, capientes, carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Sedisque Apostolicæ Legatos vel Nuncios, aut eos à suis Diocesis, Territoriis, Terris, seu Dominiis ejicientes; Nec non ea mandantes, vel rata habentes, seu præstantes in eis auxilium, consilium, vel favorem.

§. 12. Item excommunicamus, & anathematizamus omnes illos, qui per se, vel per alios, personas Ecclesiasticas quascunque, vel seculares ad Romanam Curiam super eorum causis, & negotiis recurrentes, ac illa in eadem curia prosequentes, aut procurantes, negotiorumque gestores, Advocatos, Procuratores, & Agentes, seu etiam Auditores, vel Judices super dictis causis, vel negotiis deputatos, occasione causarum, vel negotiorum hujusmodi, occidunt, seu quoquomodo percutiunt, bonis spoliunt, seu qui per alios directè, vel indirectè, delicta hujusmodi committere, exequi, vel procurare, aut in eisdem auxilium, consilium, vel favorem præstare non verentur, cuiuscunque præminentiae, & dignitatis fuerint.

§. 13. Item excommunicamus, & anathematizamus omnes tam Ecclesiasticos, quam Seculares cuiuscunque dignitatis, qui prætexentes frivolum quandam appellationem à gravamine, vel futurâ executione Litterarum Apostolicarum etiam in formâ Brevis, tam gratiam, quam iustitiam concernentium: Nec non citationum, inhibitionum, sequestrorum, monitoriorum, processuum executiorum, & aliorum Decretorum à Nobis, & à Sede prædictâ, seu Legatis, Nunciis, Præsidentibus, Palatii Nostrî, & Cam. Apost. Auditoribus, Commissariis, aliisque Judicibus, & Delegatis Apostolicis emanatorum, & quæ pro tempore emanaverint, aut aliâs, ad Curias Seculares, & Laicam potestatem recurrunt, & ab eâ instante etiam Fiscî Procuratore, vel Advocato, appellationes hujusmodi admitti, ac Litteras, citationes, inhibitiones, sequestra, monstoria, & alia prædicta capi, & retineri faciunt, quive illa simpliciter, vel sine eorum beneplacito, & consensu, vel examine executioni demandari, aut ne Tabelliones, & Notarii, super hujusmodi Litterarum, & processuum executione, instrumenta, vel acta conficere, aut confecta, parti, cuius interest, tradere debeant, impediunt, vel prohibent, ac etiam partes, seu eorum agentes, consanguineos, affines, familiares, Notarios, exequutores, & subexequutores, citationum, monitorum, & aliorum prædictorum capiunt, percutiunt, vulnerant, carcerant, detinent, ex Civitatibus, locis, & Regnis ejiciunt, bonis spoliunt, perterrefaciunt, concutiunt, & coninantur per se, vel alios, publicè vel occultè, quive aliâs quibuscunque personis, in genere, vel in specie ne pro quibusvis eorum negotiis prosequendis, seu gratis vel Litteris impetrandis ad Rom. Cur. accedant, aut recursum habeant, seu gratias ipsas, vel Litteras à dictâ Sede impetrent seu impetratis utantur, directè, vel indirectè prohibere, statuere, seu mandare, vel eas apud se, aut Notarios, seu Tabelliones, vel aliâs quomodolibet retinere præsumunt.

§. 14. Item excommunicamus, & anathematizamus omnes, & quoscunque, qui per se, vel alios, auctoritate propriâ, ac de facto, quorumcunque exemptionum, vel aliarum gratiarum, & Litterarum Aposto-

Infestantes Romipetas, vel causa devotionis Peregrinos.

Infestantes S. R. E. Cardinales, Patriarchas, &c.

Infestantes eos qui super causis ad Curiam Romanam recurrunt, vel negotiorum gestores, qui eadem causas patrocinantur.

Impedientes Executionem quarumvis Litterarum à Curia Romana emanatarum.

Interponentes se in causis spiritualibus, earumque cursum quomodolibet inhibentes.

licarum, prae-textu beneficiales, & decimarum, ac alias causas spirituales, & spiritualibus annexas, ab Auditoribus, & Commissariis Nostris aliisque Judicibus Ecclesiasticis avocant, illorumve cursum, & audientiam, ac personas, Capitula, Conventus, Collegia, causas ipsas prosequi volentes impediunt, ac se de illarum cognitione tanquam Judices interponunt; Quive partes actrices, quae illas committi fecerunt, & faciunt, ad revocandum, & revocari faciendum citationes, vel inhibitiones, aut alias Litteras, in eis decretas, & ad faciendum, vel consentiendum eis, contra quos tales inhibitiones emanant, à censuris, & poenis in illis contentis absolvi, per Statutum, vel alias, compellunt, ad executionem Litterarum Apostolicarum, seu exequutorialium processuum, ac Decretorum praedictorum, quomodolibet impediunt, vel suum ad id favorem, consilium, aut assensum praestant, etiam prae-textu violentiae prohibendae, vel aliarum praetensionum, seu etiam donec ipsi ad Nos informandos, ut dicunt supplicaverint, aut supplicari fecerint, nisi supplicationes hujusmodi coram Nobis, & Sede Apostolica legitime prosequantur, etiam si talia committentes fuerint Praesidentes Cancelliarum, Consiliorum, Parliamentorum, Cancellarii, Vice Cancellarii, Consilarii ordinarii, vel extraordinarii, quorumcunque Principum Secularium, etiam si Imperiali, Regali, Ducali, vel alia quacunque praefulgeant dignitate, aut Archiepiscopi, Episcopi, Abbates, Commendatarii, seu Vicarii fuerint.

Avocantes personas Ecclesiasticas ad suum Tribunal vel facientes Statuta S. Sedis & Ecclesiarum juri-bus contraria.

§. 15. Quive ex eorum praetento officio, vel ad instantiam partis, aut aliorum quorumcunque, personas Ecclesiasticas, Capitula, Conventus, Collegia Ecclesiarum quarumcunque coram se ad suum Tribunal, Audientiam, Cancellariam, Consilium, vel Parlamentum, praeter Juris Canonici dispositionem trahunt, vel trahi faciunt, vel procurant directe, vel indirecte, quovis quaesito colore. Nec non qui Statuta, Ordinationes, Constitutiones pragmaticas, seu quaevis alia Decreta in genere, vel in specie, ex quavis causa, & quovis quaesito colore, ac etiam prae-textu cujusvis consuetudinis, aut privilegii, vel alias quomodolibet fecerint, ordinaverint, & publicaverint, vel factis, & ordinatis usi fuerint, unde libertas Ecclesiastica tollitur, seu in aliquo laeditur, vel deprimitur, aut alias quovis modo restringitur, seu Nostris, & dictae Sedis, ac quorumcunque Ecclesiarum juri-bus quomodolibet, directe vel indirecte, tacite vel expresse praepjudicatur.

Molestantes propterea quavis ratione Judices Ecclesiasticos, vel ab eis ad curias seculares recurrentes.

§. 16. Nec non qui Archiepiscopos, Episcopos aliosque Superiores, & inferiores Praelatos, & omnes alios quosunque Judices Ecclesiasticos ordinarios quomodolibet hac de causa directe, vel indirecte carcerando vel molestando eorum Agentes, Procuratores, familiares, nec non consanguineos, & affines, aut alios impediunt, quo minus sua jurisdictione Ecclesiastica contra quosunque utantur, secundum quod Canones, & Sacrae Constitutiones Ecclesiasticae, & Decreta Conciliorum generalium, & praesertim Tridentini, statuunt; ac etiam eos qui post ipsorum Ordinariorum, vel etiam ab eis delegatorum quorumcunque sententias, & Decreta, aut alias fori Ecclesiastici judicium eludentes, ad Cancellarias, & alias curias seculares recurrunt, & ab illis prohibitiones, & mandata etiam poenalia, ordinarii, & delegatis praedictis decerni, & contra illos exequi procurant, eos quoque qui hac decernunt, & exequuntur, seu dant auxilium, consilium, patrocinium, & favorem in eisdem.

Redituum Ecclesiasticorum usurpatores.

§. 17. Quive jurisdictiones, seu fructus, redditus, & proventus ad Nos, & Sedem Apostolicam, & quascunque Ecclesiasticas personas ratione Ecclesiarum, Monasteriorum, & aliorum Beneficiorum Ecclesiasticorum pertinentes usurpant, vel etiam quavis occasione, vel causa, sine Romani Pontificis, vel aliorum ad id legitimam facultatem habentium expressa licentia sequestrant.

Jusque diversa onera sine speciali Pontificis licentia imponentes.

§. 18. Quive collectas, decimas, talleas, praestantias, & alia onera Clericis, Praelatis, & aliis perso-

nis Ecclesiasticis, ac eorum & Ecclesiarum, Monasteriorum, & aliorum Beneficiorum Ecclesiasticorum bonis, illorumque fructibus, redditibus, & proventibus hujusmodi absque simili Rom. Pont. speciali, & expressa licentia imponunt, & diversis etiam exquisitis modis exigunt, aut sic imposita etiam à sponte dantibus, & concedentibus, recipiunt. Nec non qui per se, vel alios directe vel indirecte praedicta facere, exequi, vel favorem praestare non verentur, cujuscumque sint praerogativae, dignitatis, Ordinis, conditionis, aut status, etiam si Imperiali, aut Regali praefulgeant dignitate, seu Principes, Duces, Comites, Barones, & alii Potentatus quicunque etiam Regnis, Provinciis, Civitatibus, & Terris quoquo modo Praesidentes, Consilarii, & Senatores, aut quavis etiam Pontificali dignitate insigniti. Innovantes Decreta super his per sacros Canones, tam in Lateranensi novissime celebrato, quam aliis Conciliis generalibus edita, cum censuris, & poenis in eis contentis.

§. 19. Item excommunicamus, & anathematizamus omnes, & quoscunque Magistratus, & Judices, Notarios, Scribas, Exequutores, Subexequutores quomodolibet se interponentes in causis capitalibus, seu criminalibus contra personas Ecclesiasticas, illas processando, banniendo, capiendo, seu sententias contra illas proferendo, vel exequendo, sine speciali, specifica, & expressa hujus Sanctae Sedis Apostolicae licentia, quique hujusmodi licentiam ad personas, & casus non expressos extendunt, vel alias illa perperam abutuntur, etiam si talia committentes fuerint Consilarii, Senatores, Praesidentes, Cancellarii, Vicecancellarii, aut quovis alio nomine nuncupati.

Magistratus se interponentes in causis criminalibus contra Personas Ecclesiasticas.

§. 20. Item excommunicamus, & anathematizamus omnes illos, qui per se, seu alios, directe vel indirecte, sub quocunque titulo vel colore invadere, destruere, occupare, & detinere praesumpserint, in totum, vel in partem Almam Urbem, Regnum Siciliae, Insulas Sardiniae, & Corsicae, Terras citra Pharium, Patrimonium Beati Petri in Thufci, Ducatum Spoletan., Comitatum Venasinum, Sabinen, Marchiae Anconitanae, Massae Trebariae, Romandiolae, Campaniae, & maritimas Provincias, illarumque Terras, & loca, ac Terras specialis commissionis Arduforum, Civitatesque Nostras Bononiam, Caesenam, Ariminum, Beneventum, Perusium, Avenionem, Civitatem Castellum, Sudertum, Ferrariam, Comaclum, & alias Civitates, Terras, & loca, vel jura ad ipsam Romanam Ecclesiam pertinentia, dictaeque Rom. Eccl. mediate subiecta, nec non supremam jurisdictionem in illis Nobis, & eidem Romanae Ecclesiae competentem de facto usurpare, perturbare, retinere, & vexare variis modis praesumunt: nec non adhaerentes, fautores, & defensores eorum, seu illis auxilium, consilium, vel favorem quomodolibet praestantes.

Terras & loca ad Romanam Ecclesiam pertinentia infestantes, vel jurisdictionem Ecclesiae in illis usurpantes.

Volentes praesentes Nostros processus, ac omnia, & quaecunque in his Litteris contenta, quousque alii hujusmodi processus à Nobis, aut Rom. Pont. pro tempore existente fiant, aut publicentur, durare, suosque effectus omnino fortiri.

Praesentes processus usque ad aliorum filium emanationem duraturi.

§. 21. Caterum à praedictis sententiis nullus per alium quam per Rom. Pont. nisi in mortis articulo constitutus, nec etiam tunc de stando Ecclesiae mandatis, & satisfaciendo cautione praestita, absolvi possit, etiam prae-textu quarumvis facultatum, & indultorum quibuscunque personis Ecclesiasticis Secularibus, & quorumvis Ordinum, etiam Mendicantium, ac Militarium Regularibus, etiam Episcopali, vel alia majori dignitate praeditis, ipsisque Ordinibus, & eorum Monasteriis, Conventibus, & Domibus, ac Capitulis, Collegiis, Confraternitatibus, Congregationibus, Hospitalibus, & locis piis, nec non Laicis, etiam Imperiali, Regali, & alia mundana excellentia fulgentibus, per Nos, & dictam

Absolutio reservata.

Sedem,

Sub poenā
excommuni-
cationis
sententia.

S. Sedis
absolutio
ante resti-
tutionem
& revoca-
tionem ne-
mini suf-
fragetur.

Deroga-
tio contra-
riis.

Præsentis
& nunc &
posthac
quotannis
sollemniter
publican-
da.

Sedem, ac cuiusvis Concilii Decreta, verbo, Litteris, aut aliā quācunque scripturā in genere, vel in specie concessorum, & innovatorum, aut concedendorum, & innovandorum. Quod si forte aliqui contra tenorem prædictum talibus excommunicatione, & anathemate laqueatis, vel eorum alicui absolutionis beneficium impendere, de facto præsumpserint, eos excommunicationis sententiā innodamus, gravius contra eos spiritualiter, & temporaliter, prout expedire noverimus, processuri.

§. 22. Declarantes, ac protestantes, quācunque absolutionem, etiam solemniter per Nos faciendam, prædictos excommunicatos, sub præsentibus comprehensos, nisi prius à præmissis cum vero proposito ulterius similia non committendi destiterint; ac quoad eos, qui contra Ecclesiasticam Libertatem, ut præfertur, Statuta fecerint, nisi prius Statuta, Ordinationes, Constitutiones, Pragmaticas, & Decreta huiusmodi publicè revocaverint, & ex Archivis, seu capitularibus locis, aut libris, in quibus annotata reperiuntur deleri, & cassari, ac Nos de revocatione huiusmodi certiorem fecerint, eos non comprehendere, nec eis aliter suffragari, quin etiam per huiusmodi absolutionem, aut quoscunque alios actus contrarios, tacitos, vel expressos, ac etiam per patientiam, & tolerantiam Nostram, vel Succellorum Nostrorum quācunque tempore continuatam, in præmissis omnibus, & singulis, ac quibuscunque juris Sedis Apost. ac S.R.E. undecunque, & quācunque quaesitis, vel querendis nullatenus præjudicari posse, aut debere.

§. 23. Non obstantibus privilegiis, Indulgentiis indultis, & Litteris Apostolicis generalibus, vel specialibus supradictis, illis vel eorum alicui, seu aliquibus aliis cuiuscunque ordinis, status, vel conditionis, dignitatis, & præminentiae, etiam si, ut præfertur Pontificali, Imperiali, Regali seu quāvis ecclesiastica, & mundanā præfulgeant dignitate, vel eorum Regnis, Provinciis, Civitatibus, seu locis, à prædicta Sede, ex quavis causa, etiam per viam contractus, aut remunerationis, & sub quavis alia forma, & tenore, ac cum quibuscunque clausulis, etiam derogatarum derogatoriis concessis, etiam continentibus, quod excommunicari, anathematizari, vel interdicti non possint, per Litteras Apostolicas, non facientes plenam, & expressam, ac de verbo ad verbum de privilegiis, Indulgentiis, & indultis huiusmodi, ac de ordinibus, locis, nominibus propriis, cognominibus, & dignitatibus eorum mentionem, nec non consuetudinibus, etiam immemorabilibus, ac præscriptionibus quācunque longissimis, & aliis quibuscunque observantiis, scriptis, vel non scriptis, per quæ contra hos Nostros processus, ac sententias, quō minùs includantur in eis, se juvare valeant vel tueri. Quæ omnia quoad hoc, eorum omnium tenores, ac si de verbo ad verbum, nihil penitus omisso, infererentur, præsentibus pro expressis habentes, penitus tollimus, & omnino revocamus, cæterisque contrariis quibuscunque.

§. 24. Ut verò præsentis Nostri processus ad publicam omnium notitiam facilius deducantur, chartas, seu membranas Processus ipsos continentes, Basilicæ S. Jo. Lateran. & Basilicæ Principis Apostolorum de Urbe appendi faciemus, ut ii, quos processus huiusmodi concernunt, quod ad ipsos non pervenerint, aut quod ipsos ignoraverint, nullam possint excusationem prætere, aut ignorantiam allegare, cum non sit verisimile, id remanere incognitum, quod tam patenter omnibus publicatur. Insuper, ut processus ipsi, & præsentis Litteræ, ac omnia, & singula in eis contenta eo hant notiora, quō in plerisque Civitatibus, & locis fuerint publicata, universis, & singulis Patriarchis, Primatibus, Archiepiscopis, Episcopis, & locorum Ordinariis, & Prælatibus, ubilibet constitutis, per hæc scripta committimus, & in virtute sanctæ obediencie districtè præcipiendo mandamus, ut per se, vel alium, seu alios præsentis Litteras, postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesiis suis, dum in eis major populi multitudo ad Di-

vina convenerit, solemniter publicent, & ad Christi fidelium mentes reducant, nuncient, & declarant.

§. 25. Cæterum Patriarchæ, Archiepiscopi, Episcopi, alique locorum Ordinarii, & Ecclesiarum Prælati, nec non Rectores, cæterique curam animarum exercentes, ac Presbyteri Seculares, & quorumvis Ordinum Regulares ad audiendas peccatorum confessiones, quāvis autoritate deputati, transumptum præsentium Litterarum penes se habeant, easque diligenter legere, & percipere studeant.

Volentes earundem præsentium transumptis, etiam impressis, Notarii publici manu subscriptis, & sigillo Iudicis Ordinarii Romanæ Curie, vel alterius personæ dignitate Ecclesiastica constitutæ munitis, eandem prout fidem in iudicio, & extrā illud ubique locorum adhibendam fore, quæ ipsis præsentibus adhiberetur, esse exhibita, vel ostensa.

§. 27. Nulli ergo omnino hominum liceat hanc paginam Nostræ excommunicationis, anathematizationis, interdicti, innovationis, innodationis, declarationis, protestationis, sublationis, commissionis, mandati, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursurum. Datum Romæ apud Sanctam Mariam Majorem, anno Incarnationis Dominicæ Millesimo sexcentesimo octuagesimo nono decimo Kal. Aprilis, Pontificatus Nostri anno primo.

Regulæ, Ordinationes, & Constitutiones Cancellariæ Apostolicæ SS. D. N. ALEXANDRI PAPÆ VIII. Editæ Anno 1689.

Sanctissimus in Christo Pater, & D. N. D. Alexander Divinā Providentiā Papa VIII. suorum Prædecessorum vestigiis inhaerendo, normam, & ordinem rebus gerendis dare volens, in crastinum suæ Assumptionis ad summum Apostolatus apicem, videlicet, die septimā mensis Octobris anno ab Incarnatione Domini Millesimo Sexcentesimo octogesimo nono, Reservationes, Constitutiones, & Regulæ infra scriptas fecit, quas etiam ex tunc, licet nondum publicatas, & suo tempore duraturas observari voluit, ac quas Nos Alderanus Episcopus Hostiensis Cardinalis Cybo de mandato Sanctitatis Suæ die decimā octavā ejusdem mensis in Cancellariā Apostolicā publicari fecimus.

Reservationes Generales & Speciales.

I. In primis fecit easdem Reservationes, quæ in Constitutione fel. rec. Benedicti PP. XII. quæ incipit, Ad regimen, continentur, & illas innovavit, ac locum habere voluit, etiam si Officiales in eadem Constitutione expressi Apostolicæ Sedis Officiales ante obitum eorum esse desiderint, quoad Beneficia, quæ tempore quo Officiales erant, obtinebant. Declarans nihilominus Beneficia, quæ dictæ Sedis Officiales, qui ratione Officiorum suorum huiusmodi ejusdem Sedis Notarii erant, etiam dimissis ipsis Officiis, & quācunque assecuti fuerint, sub huiusmodi Reservationibus comprehendere. Ac reservavit Beneficia, quæ per Constitutionem piæ mem. Joannis PP. XXII. Quæ incipit, Execrabilis, vacant, vel vacare contigerit. Quam Constitutionem, & Reservationem S. S. tam ad Beneficia obtenta, quàm alia quæcunque, de quibus Ordinarii, & alii Collatores contra Concilii Tridentini Decreta disposuerunt, & disponent in futurum extendit, & ampliavit, & ea etiam Beneficia omnia dispositioni suæ reservavit, de quibus per dictos Ordinarios, aut alios Collatores contra ejusdem Concilii Decretorum formam dispositum fuerit, Decernens irritum, &c.

Personæ
Ecclesiæ
præ-
sentium
transum-
ptum pe-
nes se ha-
beant.

Transum-
ptorum fi-
des.

Sanctio
pœnalis.

D. 23.
Martii
1689. P. A.
primo.

II.